

MAXIMILIANO CAESARI AVGVSTO
INCLYTO IOANNES FRAN-
CISCVS PICVS FOE-
LICITA,
TEM.

OCASIONEM Dedisti mihi Caesar clementissime, vt ea studia, quibus olim oblectabar, nunc quodam quasi postliminio repererem, ab eis enim tum negocijs armorum diuerteram, tū grauiorum ocjs literarū distentus nūcium remiseram. Monstrastidum essem apud te in Germania, Cruces, Clauos, Lāceas, & alia pleraq; cœlesti quadam nec visili pluuia corporibus deliniata, & quæ hac de re tibi etiam literis significata fuerant, qua es facilitate, dignatus es e Germanica in latinam linguam interpretari. Vidi & ipse postq; a tua maiestate discessi, in Italiam rediturus, multa quæ non modo fidem rei iam vulgatæ astruerent, sed maiorem multo demiratōem incuterent, & vniuersam pene Germaniam ad cœlestia prodigia, religionis ergo commouerēt. Quo factum vt rem tam celebrem, tam dignam posteritatis memoria, literarum monumentis, Heroicisq; potissimum versibus in p̄sentia mandare destituerim. Nil eas veritus calūnias, quas philosophastri funderent, ignari altissimos literarū locos, a prima antiquitate, metro concelebrari solitos, nec apud Platonem & Aristotelem satis diuersati, Quorum ab altero Epigrāmata, ab altero etiā poemata excussa sunt, vt ipsius artis poetice p̄cepta reticeam. Ipsi aut̄ theologi nec hymnos ecclesie dissimulent, nec nesciant Nazianzenum, Hieronymū, Sedulium, Paulinum, & alios carmina cecinisse. Nec eos p̄terierit Mosen primū diuinas laudes carmine Hexametro decantasse, & Hebræum calamū nonnullis diuinorū libris versuum mensuras impræssisse, quas equidem non solum licete, verum & expedire quoquo modo, nostra etiam tempestate putauerim, modo fabulosa ne sit, nec obscœna materia, modo gentiliū deorum memores ne simus, p̄terq; forte, dum eos explodimus, dum damnamus. Sume igit̄ libenti animo Cæsar nostram hanc historiam altius repetitam, & carmine concinnatā, cuius lectione (si erit ocium) addi animo stimulos optarim, ut Christi memoriam in occidente minus reuerenter quandoq; habitā. In oriente vero principum desidia iam pene abolitam, renouādā pro viribus & illustrandā suscipias, & impij Maomethis cultū penitus obliteres. Et qm̄ militiæ tuæ me iam pridē, nec sine honore & egregia quadā auctoritate ascripsisti, Istiusmodi quidē comparādē victoriæ debemus ensem, partæ aut̄ & publicādē stilū pollicemur. Vale.

S ij

Defmanerim